



MAJLIS PEPERIKSAAN MALAYSIA



MUET EXPRESS

**ARAHAN DAN PANDUAN PENDAFTARAN CALON
MUET EXPRESS (MeX) TAHUN 2024**

MAJLIS PEPERIKSAAN MALAYSIA
BANDAR BARU SELAYANG

TARIKH KEMASKINI: 23 FEBRUARI 2024

ARAHAN DAN PANDUAN PENDAFTARAN CALON MUET EXPRESS (MeX) TAHUN 2024

Arahan dan Panduan Pendaftaran Calon MeX ini mengandungi maklumat yang berikut:

- 1 Syarat kelayakan untuk menduduki ujian MeX
- 2 Tempoh sah laku keputusan ujian MeX
- 3 Komponen ujian MeX
- 4 Bayaran untuk menduduki ujian MeX
- 5 Cara pendaftaran calon ujian MeX
 - 5.1 Calon sekolah/institusi
 - 5.2 Calon Persendirian Individu
- 6 Tarikh pendaftaran dan tarikh ujian MeX
- 7 Angka giliran calon dan pusat ujian MeX
- 8 Slip Daftar MeX (MeX/D)
- 9 Pembetulan maklumat calon
- 10 Menumpang pusat ujian MeX
- 11 Penarikan diri
- 12 Keputusan ujian MeX
- 13 Rayuan penyemakan semula keputusan ujian MeX
- 14 Kehilangan Sijil MeX

1 SYARAT KELAYAKAN UNTUK MENDUDUKI UJIAN MeX

Tiada sebarang syarat yang dikenakan untuk menduduki ujian MeX.

2 TEMPOH SAH LAKU KEPUTUSAN UJIAN MeX

Tempoh sah laku keputusan ujian MeX ialah **lima tahun** mulai tarikh keputusan ujian MeX dikeluarkan.

3 KOMPONEN UJIAN MeX

Kertas yang ditawarkan dalam ujian MeX meliputi **empat komponen** seperti yang berikut:

Kod Kertas	Nama Kertas
800/1	<i>Listening</i> (50 minit)
800/2	<i>Speaking</i> (30 minit)
800/3	<i>Reading</i> (75 minit)
800/4	<i>Writing</i> (75 minit)

* Maklumat lanjut sila rujuk Sukatan Pelajaran MUET (*Regulations, Test Specifications, Test Format, and Sample Questions*) yang dapat diperolehi melalui portal Majlis Peperiksaan Malaysia (MPM) di <http://www.mpm.edu.my>.

4 BAYARAN YURAN UNTUK MENDUDUKI UJIAN MeX

(a) Bayaran yuran untuk menduduki ujian MeX adalah seperti yang berikut:

Calon Warganegara	: RM800.00
Calon Bukan Warganegara	: RM1,600.00

5 CARA PENDAFTARAN CALON UJIAN MeX

Pendaftaran calon adalah secara talian sahaja melalui portal MPM <http://www.mpm.edu.my> atau pautan di <http://apps.mpm.edu.my/mod/public/register>.

6 TARIKH PENDAFTARAN DAN TARIKH UJIAN MeX

Kalendar MeX Tahun 2024 dapat diperolehi dan dicetak daripada portal MPM di <http://www.mpm.edu.my> untuk mengetahui tarikh pendaftaran, tarikh ujian *Speaking*, dan tarikh Ujian Bertulis.

7 ANGKA GILIRAN CALON DAN PUSAT UJIAN MeX

Angka giliran calon akan ditetapkan oleh MPM. Angka giliran calon ini akan diberitahu melalui Slip Daftar MeX (MeX/D).

8 SLIP DAFTAR MeX (MeX/D)

- Pengesahan butiran pendaftaran calon untuk menduduki ujian MeX akan diberitahu kepada calon dalam Slip Daftar MeX (MeX/D) melalui portal MPM atau pautan terus di <http://apps.mpm.edu.my/mod/public/register> selepas calon selesai membuat pendaftaran.
- Calon perlu **menyemak dan mencetak MeX/D sendiri** dan **membawanya ke pusat ujian** pada hari ujian sebagai tiket untuk menduduki ujian, manakala calon sekolah/institusi hanya perlu menyemak MeX/D masing-masing.
- Calon hendaklah menyemak butiran yang tercatat pada MeX/D seperti nombor pengenalan diri, ejaan nama, angka giliran, pusat untuk menduduki ujian, tarikh, dan waktu ujian.

9 PEMBETULAN MAKLUMAT CALON

- (a) Calon hendaklah menyemak maklumat pendaftaran pada MeX/D yang boleh dicetak dan disimpan dalam format pdf sebaik sahaja melengkapkan pendaftaran dalam talian bagi memastikan semua maklumat adalah betul. Sekiranya terdapat maklumat yang silap, calon boleh memohon pembetulan maklumat secara manual.
- (b) Sekiranya calon gagal memohon pembetulan maklumat dalam tempoh pendaftaran dibuka, maka calon hendaklah melengkapkan **Borang Pembetulan Maklumat Calon (MoD/C9)** yang boleh dicetak daripada portal MPM dan menghantarnya dengan **kadar segera** ke MPM (u.p. **Setiausaha Bahagian Pembinaan dan Pengendalian Kompetensi**). Permohonan pindaan dalam tempoh ini **tidak dikenakan bayaran** dan calon juga akan mendapat MeX/D baharu dengan semua maklumat yang telah dipinda.
- (c) Permohonan pembetulan maklumat yang diterima **semasa dan selepas peperiksaan berlangsung** akan dikenakan bayaran **RM50.00**. Bayaran hendaklah dibuat secara **perbankan internet. MeX/D dengan maklumat yang silap, sah digunakan untuk menduduki MeX**. Pembetulan maklumat juga hendaklah dimaklumkan kepada Ketua Pengawas di pusat ujian untuk dicatatkan dalam Buku Rekod Pengawasan. Pembetulan hanya akan dibuat pada **Sijil MUET** yang akan dikeluarkan kelak sekiranya MPM menerima borang MoD/C9 berserta bayaran **RM50.00**.

Untuk mendapatkan borang **MoD/C9**, sila klik **di sini**.

- (d) Calon hendaklah menggunakan nombor pengenalan diri yang sama semasa ujian kelak. Sebarang kesilapan akan menimbulkan salah faham dengan Pengawas dan akan menyusahkan calon sendiri.
- (e) Bagi permohonan pembetulan maklumat selepas keputusan ujian MeX diumumkan/Sijil MUET dicetak, calon perlu memohon Salinan Sijil MUET dengan mengemukakan **Borang Permohonan Salinan Sijil STPM/MUET/MoD/MeX [MPM/S2 (Pindaan 2024)]** dengan disertakan bayaran sebanyak **RM60.00** serta melengkapkan borang MoD/C9 (tanpa bayaran).

10 MENUMPANG PUSAT UJIAN MeX

- (a) Pertukaran dari satu pusat ujian ke satu pusat ujian yang lain adalah sangat terhad dan bergantung kepada kapasiti pusat ujian yang masih mempunyai kekosongan dan boleh menampung calon selepas pusat ujian dikemaskini.
- (b) Permohonan pertukaran pusat ujian ini adalah untuk **SEMUA KERTAS sahaja** (*Listening, Speaking, Reading, dan Writing*) dan perlu memohon melalui emel mex@mpm.edu.my.
- (c) Bayaran menumpang pusat ujian MeX ialah **RM50.00** dan dibuat secara dalam talian melalui **perbankan internet**.

11 PENARIKAN DIRI

- (a) Calon yang menarik diri daripada menduduki ujian MeX tidak akan dikembalikan yuran peperiksaannya.
- (b) Yuran ujian hanya akan dikembalikan bagi kes yang berikut:
 - (i) Calon yang sakit berpanjangan. Surat pengesahan daripada Pegawai Perubatan Kerajaan hendaklah dikemukakan.
 - (ii) Calon yang meninggal dunia. Salinan surat perakuan/Sijil Kematian hendaklah dikemukakan oleh ahli keluarga atau warisnya kepada MPM
 - (iii) Calon yang berjaya menyambung pelajaran ke IPTA/IPTS. Surat tawaran hendaklah dikemukakan.
 - (iv) Atas sebab yang munasabah, tertakluk kepada kelulusan MPM.
- (c) Calon/Waris yang ingin menuntut pengembalian yuran MeX hendaklah mengemukakan permohonan secara bertulis kepada KETUA EKSEKUTIF MPM (u.p **Setiausaha Bahagian Pembinaan dan Pengendalian Kompetensi**) berserta bukti pembayaran yang sah
- (d) Jumlah yuran yang bakal dikembalikan akan ditentukan oleh MPM dan yuran hanya akan dikembalikan selepas sesuatu sesi ujian itu tamat. Pengembalian yuran ujian yang dipohon selepas tempoh **30 hari** daripada tarikh ujian **tidak akan dilayan**.
- (e) Calon yang ingin menarik diri daripada menduduki ujian dikehendaki mengisi **Borang Calon Menarik Diri (MoD/C4)** yang dapat diperolehi dan dicetak dari portal MPM. Borang yang telah lengkap diisi hendaklah dihantar ke MPM bersama dengan surat bukti **sebelum** calon menduduki ujian MEX.

12 KEPUTUSAN UJIAN MeX

- (a) Keputusan akan dikeluarkan dalam tempoh **dua (2) hari** dari tarikh akhir ujian.
- (b) Calon juga boleh menyemak keputusan ujian MeX melalui portal MPM atau pautan terus di <http://webmpm1.mpm.edu.my/modr/>.
- (c) Sijil Calon Persendirian Individu akan dipos kepada calon mengikut alamat surat menyurat yang calon gunakan semasa membuat pendaftaran. Pengeposan adalah menggunakan Pos Laju.
- (d) MPM **tidak akan bertanggungjawab** sekiranya Sijil MUET **hilang** semasa penghantaran pos atau **tidak sampai** ke alamat calon. Sekiranya calon tidak menerima sijil selepas **tiga minggu keputusan MeX diumumkan**, calon boleh mengemukakan permohonan mendapatkan Salinan Sijil MeX dengan melengkapkan **Borang Permohonan Salinan Sijil STPM/MUET/MoD/MeX [MPM/S2 (Pindaan 2024)]** dengan bayaran **RM60.00** secara perbankan internet.

Untuk mendapatkan borang **MPM/S2 (Pindaan 2024)**, sila klik [di sini](#).

13 RAYUAN PENYEMAKAN SEMULA KEPUTUSAN UJIAN MeX

- (a) Calon yang kurang berpuas hati dengan keputusan ujian MeX yang diperolehi boleh membuat rayuan penyemakan semula keputusan secara dalam talian. Caj bagi rayuan penyemakan semula keputusan ini ialah **RM100.00** dan pembayaran adalah secara perbankan internet.
- (b) Permohonan adalah melalui e-mel mex@mpm.edu.my dan bayaran adalah secara perbankan internet.
- (c) Permohonan rayuan penyemakan semula keputusan akan dibuka selama **tiga (3) hari** bermula dari tarikh keputusan MeX dimuatnaik di portal MPM bagi setiap sesi.

- (d) Keputusan rayuan penyemakan semula keputusan ujian MeX boleh disemak di portal MPM selepas **2 hari** (hari bekerja) dari tarikh tutup permohonan. MPM hanya akan **mengeluarkan Sijil MUET baharu** kepada calon yang berubah keputusan keseluruhan sahaja.

14 KEHILANGAN SIJIL MUET

- (a) Calon yang kehilangan Sijil MUET boleh membuat permohonan untuk mendapatkan Salinan Sijil MUET. Salinan Sijil MUET ini sah digunakan untuk tujuan memohon kemasukan ke universiti, konvokesyen, dan lain-lain tujuan sebagaimana Sijil MUET yang asal.
- (b) Untuk membuat permohonan, calon perlu melengkapkan **Borang Permohonan Salinan Sijil STPM/MUET/MoD/MeX [MPM/S2 (Pindaan 2024)]** dan bayaran adalah melalui perbankan internet.

Untuk mendapatkan borang **MPM/S2 (Pindaan 2024)**, sila klik **[di sini](#)**.

Terima kasih.